



誦芬錄卷二

義門二十二世遷湖支下鄭 估謹述

元季兵興道路多梗仲遠公與宗伯公以父架閣公
宦游遠方皆素食朝夕致禱於神凡數歲迨遭喪
值天大寒兄弟皆擗踊徒跣人所勿堪永新令趙
大訥來弔憫其寒苦自取草履以奉二公皆俯伏
慟哭辭謝不納趙亦謝而去

仲遠公童時從叔母亡久不肯食肉母夫人強之食
即涕泣曰叔母撫猶子豈忍遂忘耶雖食且弗下

言金卷二
咽也鄉黨稱之從兄稅令公為金華稅使值苗寇
作亂或勸公避公毅然曰吾兄有官守不可以去
吾其可以求獨全乎生死命也不聽未幾寇至公
果被創垂絕僵仆田野間鄉人有識公者曰此義
門之人也即相率舁之至家為求醫藥得不死公
既齋金帛謝之又待其人以親戚禮終身勿衰少
侍父宦游松江從宇文子貞問學賓客聽書聲以
才子目之好為詩歌援筆而就沖澹平易有邵子
擊壤遺意獨居一室博覽經籍有所得輒筆之於

冊自號著微士大夫皆稱為著微先生著有著微
子集

元季曾罷科舉仲遠公將就試會罷乃已見曾榮撰
公墓誌銘中

洪武二十六年太祖謂東宮官宜選用孝謹人咨於
廷臣咸以鄭氏世服禮義對時經歷公方長家事
詔公毋行擇羣從之賢者以進公選子弟得二十
有四人以從弟濟沂及姪幹為之首既至天子嘉
其意而難於盡留遂拜濟為左春坊左庶子餘皆

賜金遣還向廷臣稱嘆者久之未幾拜沂為禮部尚書幹為監察御史

庶子公詩文時出新意書法得晉唐諸家體尤深於性命之理學者尊之曰鄭浦陽洪武二十六年授左春坊左庶子階奉議大夫日侍左右多獻替所薦引徃徃為名臣聞人一善譚之不置每退朝求書者填門竟日不倦後從弟宗伯公授官遂賜楮幣致仕及修實錄又召入史館三年卒於京著述盡散佚止存潛溪後識一篇近閱嚴氏流芳錄得

記一首並錄於左今祠中遇公諱辰設專祭而墓石無辭殊為恨事

潛溪文粹後識

右翰林學士承旨潛溪宋先生文粹一十卷青田劉公伯溫丈之所選定者也濟及弟洧約同門之士劉剛林靜樓璉方孝孺相與繕寫成書用紙一百五十四番以字計之一十二萬二千有奇於是命印工十人鋟梓以傳自今年夏五月十七日起手至七月九日畢工凡歷五十二

日云先生平日著述頗多其已刻行世者潛溪集四十卷蘿山集五卷龍門子三卷其未刻者翰苑集四十卷歸田以來所著芝園集尚未分卷在禁林時見諸辭翰多係大製作竊意劉丈之選或有所遺尚俟來者續編以附其後惟先生受知聖主輔導東宮名滿天下文傳四夷則不待區區之所贊頌云洪武

七月九日門

人鄭濟謹記

嚴司空政績記

國家隆興際天地盛大之運古今嚴明之治卿大夫之寅恭在位孜孜儆惕懇懇忠盡敬誠不欺仁恕存心劬勞盡瘁言不及私撫躬弗及承命若或違者尚書嚴公其人與公器宏識邁魁岸卓異選以名家右族拔田里而致顯要初自洪武四年辛亥東南郡縣歲入田賦齊民戶輸舉以萬石為額掄一家長之不入於官而集於鄉任以徵督之責限以時月加以羨餘轉輸京師及江北諸郡民便安之法既立或玩侮以後

約束或欺給以病斯民罹刑辟者相踵比屋無
善俗時之美政鬱不敷洽民不大被利澤也公
於其間精勵持已和易集事倡率鄉閭民情悅
服躬行幾二十年罔有纖芥之可指歲一入覲
號令之下守之惟謹廉能名譽列郡間公為稱
首寡過之家多師法焉二十一年戊辰冬十一
月太祖高皇帝素聞其名至是以大戶名將授
以官因丁內艱請終喪二十三年庚午服闋來
朝即擢布政司參議之職不任之於外留中署

通政司事是年夏六月也公奏對詳明四方文
牘遞遣無稽留冤抑之赴愬者上請旁達成無
滯情冬十月改授戶部江西司郎中江西諸郡
輸賦不以時歲徵每不備公分部二年按文考
實推理精明糧凡五百萬石有畸悉備而無違
二十四年辛未夏六月賜新第於崇禮街穹堂
邃室翬聳宏麗與文臣首列者儷美焉又復其
家而長糧之役并免之其欲任重公之意於是
可見矣二十五年壬申春公有疾命太醫院御

醫戴公治之藥石皆給於官秋九月陞工部右侍郎二十六年癸酉夏六月轉拜尚書時朝廷營建方殷公稽古驗今綜理鎮密夜以繼日知無不為庶職咸舉而嘗有不備之慮調民夫六十餘萬開鑿贍脂山河道移置五軍都督府六部諸公宇此其大者也然不敢稍自專用事必入奏以行繼而有旨盡集天下諸工技世藝之家役於京師至者凡二十餘萬戶役其一人父子兄弟不緣及有司傭調皆優之使其勞逸適

均限年班次人書籍貫本業名氏各持片楮趨赴於京徃來便之雖有成命而公經營之力實多里人有告訐者事及公從弟子直公以實聞即命公自為按理公無所徇獄具以公故盡宥而遣之凡三十餘人居無何部事有忤旨之責公身任之不及僚屬二十七年甲戌冬十二月降授北平道監察御史而蘇州府係馬公益精明以濟溫厚之施釐正百度平反冤滯不吐不茹和平而得人情常州府民嚴興年八十餘

其子有罪繫刑獄物故來懇寃辭連二十餘人
公曉以患仇相反覆訟終凶之理其人感動拜
謝吐實公憫其老不及誣愬之罪送大理寺審
而原之北平民閻成郭思成陳告盜糧係累百
餘人袁關壽以犯禁事皆議斬首遷家罪按察
司具成案來上公力辨其誣皆得免凡諸赴逮
者剖決無稽留惟恐獄之不虛也二十八年乙
亥秋八月廣西龍州趙宗壽襲其叔知州任不
俟朝命自雄長其地詔興師問罪龍州與安南

密邇公往其國奉命撫諭入其王城宣布恩信
俾毋相驚猜毋匿逋逃國王陪臣俯伏俟命合
境大悅刑部尚書楊公靖既除名以庶人巾幘
使其國徵糧五萬石為龍州軍餉公及其未至
宣言揚之久為秋官也威名素著其君臣氣已
懾楊至而糧即聚者公先聲之力爾公將還王
囊黃金白銀以兩計無慮數百文幣名香稱是
持以贖公却不顧既還沿道驛騎被擾劉都督
不禁家奴為橫皆劾奏之廣東西鹽運之為官

民交病者奏減其半二十九年丙子春二月奉命復至廣西於是立法接運以通行鹽州郡商民甚為便之其河渠之不利舟行者并屬焉桂林興安靈渠久圯歷朝興修不底於成公至召縣屬審地勢鳩工用計浚源疏流因其故道延袤五十餘里導南北二江南江曰漓自蒼梧入於海江北曰湘由洞庭轉長江達於京師築隄岸治陡閘以陡名者三十有六修石梁以便行者通石函以利灌溉旁通靈川千秋峽鐘象鼻

石峯焚鑿江灘礙舟之石自是往來無虞工不重舉役不苟作大修數百年之廢緒興利去害可貽永久梧州桂林興安諸文學椽咸備記述謂秦史祿漢馬援千載之後興復無善繼者至公當為三人云歸奏先帝喜甚謂戶曹盧侍郎等曰廣西塘陡昔久不成今老嚴成此巨功朕授任得人矣公居廣且幾年每督有司均徭定賦整風正俗貪婪者咸為斂跡而錄囚尤稱不濫久旱得雨人以為決獄無冤所致士民共歌

民交病者奏減其半二十九年丙子春二月奉命復至廣西於是立法接運以通行鹽州郡商民甚為便之其河渠之不利舟行者并屬焉桂林興安靈渠久圯歷朝興修不底於成公至召縣屬審地勢鳩工用計浚源疏流因其故道延袤五十餘里導南北二江南江曰漓自蒼梧入於海江北曰湘由洞庭轉長江達於京師築隄岸治陡閘以陡名者三十有六修石梁以便行者通石函以利灌溉旁通靈川千秋峽鐘象鼻

石峯焚鑿江灘礙舟之石自是往來無虞工不重舉役不苟作大修數百年之廢緒興利去害可貽永久梧州桂林興安諸文學椽咸備記述謂秦史祿漢馬援千載之後興復無善繼者至公當為三人云歸奏先帝喜甚謂戶曹盧侍郎等曰廣西塘陡昔久不成今老嚴成此巨功朕授任得人矣公居廣且幾年每督有司均徭定賦整風正俗貪婪者咸為斂跡而錄囚尤稱不濫久旱得雨人以為決獄無冤所致士民共歌

逮京師者數百人公奏其故皆釋之石灰山關
卒二十餘人誣服劫盜賊當誅公以推讞非實
亦皆奏免廣西護衛千戶張甲嬖所寵誣其妻
兄弟及外母厭蠱罪他御史按之獄且成賴公
言而事白廣西都指揮同知姜旺有告訐之者
監察御史國用承命往按公廉知其誣即奏免
問是時楊公靖同任都察院先帝以前御史屢
更也而尤委任公焉忠言讜進先帝多所聽從
每謂公南人北貌厚福未艾顧語左右屢興嘆
嘉又嘗召公三子宗禮等見見後數稱為佳兒
云秋七月監察御史李斌賊事覺問罪不及其
全家先帝怒治失出官吏初不及公公以身居
憲端乃委罪所屬再三叩頭請乃降官監察御
史踰月復拜工部尚書實八月也公以舊貫而
臨政益加敬慎淹滯之不舉者指顧間無不畢
集案牘之積三千有畸分屬條理皆無違刑辟
之從未論贖以工役及充軍還鄉者四萬五千
餘人輕重期限有差即遞遣之冬十一月重建

成均學宮公躬覽工緒改建大成殿及門廡閱
三月而落成旗守衛指揮李忠奏役徒死者當
取戶丁以代凡四萬餘人公與論難而緩其事
後悉遇赦免前後公之任部職也治劇剝煩引
繩持衡允迪規制而涖事精覈智巧詳審已不
厭其煩而人譏其過公不少變尤以惜民力為
重財用之需不啻若自己出裁判相度惟慮其
有餘以獲譴戾每念起自毗庶遭遇之過未嘗
不以盛滿為懼爰自拜官以至超轉屢任廩祿

終控辭升斗無所取自為御史即不居賜第遷
家隘巷賜第且改主曾未三月火焉後適一日
公還廣西既擢都御史曾有命即故地改創俾

公居之

此下有
闕文

公名震直字子敏吳興烏程驥

邨里人襟度爽朗和易齊物口不言人短不為
聲勢表暴崖岸畦町應人酬世不以盛衰改節
存亡易心或有毀譽之過者不足於公公不問
誰何平昔履行素號長者全其里人莫陳干三
氏之宗祀舉吳李二家之七喪皆助經費戒諸

言身金卷二
子無分財誓遵禮法甚謹家事悉屬之一不經
意惟夙夜在公諸子力業敦本不涉浮蕩家裕
而無嫉之者皆以孝弟稱恪守訓約內外雍肅
家益齊惠族恤隣施與不靳鄉里仰之以粟貸
人貸者還者俾自執槩且不多取染盛之奉祖
禰非子弟親耕獲者不以薦其他家法之懿蓋
不一公立朝過十稔方事功之在已則徐起而
任之功立而有餘及其事任之已去則退處謙
讓憊然若不足公於庶政可謂殫其才智而聖

朝之寵任公者亦可謂盛矣今則以年高謝事
優游私第進退之際允著明德實為君子之所
與然君子之所與者豈獨以才智而稱許之乎
易曰勞謙君子有終吉自天佑之吉無不利故
君子居易以俟命公多歷年所非以僥倖苟然
而致身修家齊以達諸邦國皆著成效今國家
益敦承平之治教化益大振俊哲在位公以名
卿才大夫垂已往之績為將來者之勸天祐我
以終吉老成之遇始終無憾視古弗讓者可不

謂之盛乎予得侍同朝甚久交好有年知公莫
予若庸詳其所可傳者備記之以告當代且以
垂諸後云奉議大夫左春坊左庶子浦江鄭濟
記

元重紀至元四年十月十三日家長貞和公初立旌
表義門碑石鄉先生柳文肅率諸耆碩咸來落成
是日也宗伯公生柳公舉酒賀曰此子他日必榮
顯洪武三十年徵取大姓賢能授以大任吏部引
奏特召公詣前語曰爾家大孝大義累世同居前
朝雖嘗仕宦今朕使汝大貴御筆親除公為禮部
尚書階資善大夫

明初兵下浙東甫定金華選戶家子弟為叅隨舍人
大將軍取衢處溫台等處宗伯公嘗居行間著能
聲

洪武三十年嘗革大理寺命各部官會同審囚宗伯
公再三詳讞無一枉濫明年正月郊祭前期命公
焚諮城隍時天大雨禮畢忽止夜半月明星朗大
禮慶成上大喜尋命公往山西祭晉恭王五月還

言及錄卷二
朝太祖疾大漸既而賓天公典喪葬禮畢即引年
致事而歸

永樂二年上思念舊臣復召宗伯公授以前職泣事
三月憫公力衰特製誥命賜歸有世惇孝友天稟
忠淳之語越二年修大典詔求天下圖書公與姪
御史公以義門家藏書集先世著述及龍吟雅友
二琴進呈賜白金百兩寶鈔二百錠文綺四端有
副次年入朝又賜白金五十兩寶鈔四百錠文綺
二端有副

永樂六年鄉人誣告義門私藏軍器上遣官搜索止
獲舊用紅漆器欲以此罪坐家長仲養公瀾宗伯
公曰某之兄昏耄無聞知某為禮官不能使家衆
謹遵國法罪當坐兄弟爭赴事聞於朝皆蒙恩宥
八年大駕北巡召致仕老臣至南京隨會同館待
以優禮五日一朝東宮公嘗為領袖駕還錫賚東
歸越二年三月忽得風疾浹旬一日呼二子來前
曰吾仰賴天子寵光祖宗德澤白衣授以尚書今
年踰七十以疾終幸莫大焉爾曹當一心向公力

言友錄卷二
行義事以圖報言畢忽風雨大作頃焉風靜雨止
條然而逝公在朝夙夜祇畏恪恭乃職同寅協和
有如兄弟著有寅清粹議蜀府長史大梁明善曰
昔與公會於南宮一見歡若故交使予如飲醇醪
不覺自醉後為公撰神道碑

史稱九江陳氏亦奕世同居遭至元兵亂族姓靡有
孑遺鄭氏當天造草昧之時浦江被兵之初非總
兵政者師行以律重義門而曲加存撫幾何不罹
九江之暴哉此東魯鄒濟跋先世遺墨二幅語一

為龍灣公書教子孫讀書濟物為重一為青棟公
書教子孫慎德守約為貴宗伯公裛成卷軸以垂
世守一時歌詠題跋甚夥載麟溪集

待詔公洽登洪武朝進士官翰林待詔建文時嘗居
禁中尋死國難宗譜圖載樂全公四子濬得洽洽
因永樂時厲禁不詳其事實史從彬致身錄載從
亡二十二人翰林待詔鄭洽浦江人或云蒙自之
鄭為公嫡裔豈當時公之子姓亦因厲禁而他徙
歟

明燕兵既入京師有告建文帝匿于家遣人索之廳事中向列十大櫃五貯經史五貯兵器備不虞使者至所發皆經史實其半不啓乃免於禍人以為至行所感

明初郡學以大家子充生員叔高公挺挾冊往諸儒推讓不敢居師席學正戴叔能因別設一榻不使在諸生列公果敢自負有能詩聲屢有薦公才者以親老辭著有致用齋稿

明金吾衛官童仲圭誣指寄糧上召叔高公挺御前質問公對曰臣家賴國恩累世義聚幸足衣食毋庸假貸上曰義家安有此其誣明矣置童於法以所追鈔給還自後罕誣指者

叔韡公杖性謹飭習詞章通岐扁術尤精於瘍醫針灸極其妙有曳杖求療者一針砭能棄杖趨去目有翳障一撥即明又有巧思聞沙漏有倒升法即運思作之極精妙惜公歿後無傳者公為宋文憲壻父飛霞公遇異人得仙術云

叔顯公棧貌厚氣完出入如見大賓過郡城市人驚

言友錄卷二
異問知義門子弟多化為謹飭善篆書頗道勁
張士誠兵圍新城岐陽王來援命叔車公枋嚮導公
曰援兵之來也少須以奇勝若自龍灣間道衝入
敗之必矣遂先行比圍解有讒公於新城帥者謂
公為敵間帥疑召公縛於柱將刺之公徐曰吾家
為李帥畫策倉卒不領軍符是吾罪也帥悟曰幾
害善民矣延以賓禮公少穎悟敏於駢對能詞章
弱冠游郡庠與老諸生聯句應答如響著有車齋
稿

明師下燕京仕者或徙汴京或兩淮或南京叔車公
以父博士公官燕京三十餘年不聞問十餘年存
亡莫測徃省博士公踪跡言人人殊道次京口遣
從者走金陵比從者至博士公至金陵方二日病
卧旅次從者奔告公兼程以赴博士公見公悲喜
交集病遂愈明年春博士公謀歸拜先人墓弗克
命公代之行張孟兼危素蘇伯衡皆以為孝感賦
詩餞送各有序載麟溪集

御史公幹少受業於宋文憲宋公奇公才志日授數

言苑錄卷二
千言皆背誦每先諸生善吟詠長篇短句春容飄
逸文宗朝擢為湖廣道監察御史先是公與庶子
公赴選太祖選公以備擢用至是乃得官

明初廣東民正役取珠多淹死御史公出使採訪憫
焉陳言奏蠲之民賴全活者多建立生祠於海濱
庶子公為史事當簿錄貲產御史公上疏雪冤一家

免譴

永樂六年御史公掌道別道所囚吏周壽山誣構鞠
問官時同官十一道皆連坐繫破山受憲公之子

允誠公燾上疏代御史公刑蒙宥釋同官賴以得
白

永樂十二年上掃清沙漠凱還御史公進平北詩稱
旨遂上疏乞骸骨蒙賜勅書有念爾出自名家賜
賚還鄉教育子弟成才為國任使之語復頒內帑
寶楮衣服錫燕以示寵榮歸主家政十二年著有
恕齋集十二卷

平北詩

聖朝大一統在昔所未有寸地皆入貢歸命孰

敢後惟虜瓦刺黠長惡誠可醜習性何無恒吞
噬如轉手聖朝閔愚頑燾養均薄厚吁嗟既臣
伏職分當謹守胡乃悖且狂弗顧臧與否天書
昔徃諭庶幾一引咎沐猴而冠裳倏忽變狢狗
背恩負仁義寇邊傷畎畝依山復傍海似蠅營
狗苟大田美多稼豈容生稂莠彰善古所宜縱
惡胡可久彼民墮塗炭來蘇徯我后我后仁如
天為億兆父母奮厥神武威出兵救黠首軍門
肅號令誓師務深蹂百萬同一心伐彼曲而負

砲車轟雷霆雲旗紛結糾海湧蛟龍飛山搖熊
虎吼寒光照金甲朔氣凜刁斗一鼓兵刃交摧
鋒如拉朽將軍方扼腕壯士恣擊掎前軍墮巢
穴後軍索原藪霜刀斫腰膂雨箭射跟肘忿傲
氣填胸噉奸如噉藕任虜相喧囂凶徒自紛揉
奔危化齏粉溺險杵投白仇頭漸填軋勝勢如
竹剖渠魁既已殲逆族隨指嗾膝行告昏迷乞
生聲連口天兵不盡誅恤罪寬其杻殘虜何纍
纍宵遁星散走宿雨滂沱疾風來如帚乾坤

淨掃蕩區宇無纖垢我皇御萬乘陟彼崖谷陡
毋乃聖躬勞億兆何消受聖德神禹如聖功神
禹偶多士盈朝廷聰明白天牖銘山告萬世咸
願依岫嶽凱歌載道還雲韶夾左右朝野賀昇
平懽忭暨童叟臨軒稽殿最飲至用醇酎懋功
加寵錫束帛堆如阜古有銘太常錫命及圭卣
我皇率舊章蟬連陞印綬微臣荷聖恩才薄無
可耦况當末暮年弱質如蒲柳涓埃不能報望
闕惟拜扣謹獻五字詩願祝億萬壽

叔文公彬少為岐陽王記室後辭歸泛觴江湖間輕
財好施與有假貸者不責其償好齊潔室宇即寓
館必墁治之

叔中公樞性敦厚有慢侮者亦加敬禮人自愧悔里
中無賴壞其釀器疾趨避之世稱其量

長史公楷受業宋文憲善屬文文憲器之送公還鄉
長篇有寧因一學徒諛詞浪云云大言心不忤祇
為所見真之句永樂初蜀獻王朝京師奏除王府
教授王見公大喜有公來雪山重之褒勸講十餘

年始終不渝凡應教詞翰王嘗云無愧潛溪潛溪
文憲別號也已而賜號醇翁尋憫公老奏陞長史
致政還錫輿馬僕從親書孝感泉書種堂歸來軒
織錦成文以賜永樂三年與兄御史公同朝京師
上嘉勞燕賚御書為善二字賜馬朝野以為榮歸
長家政以詩書忠孝訓子孫年九十三門人私謚
文誠先生所著詩文蜀王賜名鳳鳴集公善行草
片紙隻字世珍為重寶

宋文憲以累西行次夔州而歿旅葬於夔家累謫居
茂州長史公啓蜀獻王給道里費令文憲孫恪遷
葬成都館恪於墓旁給田以供祭祀為文以誌墓
恪送公東歸詩曰鄉邦親友如相問為說青氈尚
宛然蓋誌感深矣

長史公自蜀歸獻王垂念義門同居十二世食指衆
多艱於春磨命匠者葛興富桑寧陳維至麟溪造
水碾水磨各一座公謝牋載鳴鳳集

青蘿山下宋公園文憲自金華潛溪遷居浦陽講學
於此後為公之賈夫人墓墓左公之幼子璉及長

言方金卷二
孫慎祔焉家先哲皆從游同居家範公為參酌上
猶公壘以公址建祠三楹十月十三日為公生辰
率族人祭奠歲久祠圯家長廷棟公元隆以元麓
公南溪書院前廳改作奉祀至今遵之

節判公桐受經於宋文憲博學強記下筆為古文辭
雄健峻偉詩歌清新典雅有古作者意平居言若
不出口與人談論經史貫串通洽不可窺其際母
夫人病滯下晝夜侍湯藥衣不解帶者一月父主
簿公患風痰食少下咽日奉餽粥夜則泣禱於天

寢不安席主簿公病尋愈迨居父母喪三年出宿
於外未嘗御酒肉初選日葬母夫人會大雪平地
尺餘公稽顙籲天是日果晴畢葬事人以為孝誠
所致

明初魚鱗圖冊之案法峻甚被誣者擬徒役尋死於
獄例當補役節判公奮曰吾敢以是貽憂於家耶
即促裝赴役不憚劬勩董役者見之曰此真義門
子弟也其同役五大家以工弗及程皆謫戍遼左
公以工完獲免公嘗語諸子曰士貴立身吾且髦

言考錄卷二
矣猶凜凜然惟恐墜先訓聞者避之

浦陽甄大溪水駛甚淫雨益泛溢渡者病之節判公
首捐財為倡造舟以濟溪旁土田素沃收成時恒
為水淹公集鄉人沿溪五里樹以楊殺水勢至今
利之有誤燒死隣家兒者計無所出欲及妻誣之
公急救止諭以夫婦大義因為解釋卒完其家羣
惡少橫於鄉衆莫能制公白於官正其罪餘黨亡
匿鄉里以寧

洪武十年監察御史王辰以節判公學行才識薦於
朝授滁州判官階從仕郎滁素稱難治公至民吏
悅服以績最進徵仕郎循例復任衆歡曰鄭公復
來牧我矣

永樂二年節判公董造黃冊謂版籍之不清由於吏
吾當躬其勞立法周密吏不得肆其奸面定書算
者傭值視徃歲十減三四先是大公主府佃者訴
重科稅糧吏欲據成案徵之公為申詳免所徵糧
三百餘石公嘗行郡見惰農窘於衣食公責之曰
凡溫飽者皆勤所致未有不蠶而衣不耕而食汝

言方金卷二
何不以勤為務因教以種植灌溉法其人感激卒
為良農督運木潁上所部夫邁疾躬自省視給以
良劑賴以存活甚衆時兵部侍郎盧某來督工見
公施設有方衆樂為用稱譽不置口尋以勤勞致
疾終於工所士民莫不嗟悼

叔周公材性醇謹犯之不校工篆籀每入州邑應對
不事口給人以篤實敬之親朋有所託不疑其詐
竟累死獄中

詹事公柎早從宋文憲游後受業臨川陳剛博通羣
籍卓有才譽嗣世父仲容公本生主簿公歿卒持
三年服公之大父青槿公不殺本生服人謂公率
祖攸行

洪武間家長為人誣詹事公代赴獄有旨命法司辨
理得釋公平生喜怒不形自號怡怡子以子寺丞
公堪仕封詹事府府丞晉贈大理寺寺丞

叔致公格善記誦讀不過三遍即成誦宋文憲甚愛
之家有靈泉莊田以家難質於人公語諸弟曰祖
父以勤儉有此豈忍為他人有乎遂粥販吳越間

不數年盡贖還之喜於行義能受善言人謂有父風

叔式公栻軀短小而聲音洪大家長以糧長運後例入京獄挺身代行太祖召問奏對明白釋之

洪武十八年應天府陳繼遠誣指贓鈔無主名叔悅公櫟任以往辨明得釋明年公之父貞義公代兄采苓公赴獄公上疏請代死不許遂嘔血幾殞奉母至孝家有暨陽寄莊賴公經營得不廢

檢討公棠穎敏不凡讀書過目輒知其要從宋文憲游習古文詞下筆出人意表弱冠著金元史評洪武時省世父庶子公入京大臣欲薦之以養親辭永樂初纂修大典召天下碩士禮部尚書李至剛舉入史館書竣充試吏禮二部及翰林三試皆第一除翰林院典籍掌文淵閣秘書進講春宮敷陳稱旨眷遇特殊時仁宗為皇太子嘗命代祀先聖朝士榮之求文者踵門無虛日考滿擢翰林院檢討復掌文淵閣事後扈駕至北京適有風疾謝事歸仁宗即位入賀燕賚優渥同列奏留同修實錄

辭以目疾賜原職給傳還家築室歷山著書吟詠
至老不輟著有經筵錄文集二十卷名道山集

鳳鳴高岡賦 吏部試

鼎定岐陽鳳鳴高岡惟德是輔惟善降祥協音
聲於大武耀羽儀於朝陽雖離和鳴合玉帛之
王會翩翩其集盛鸞佩之鷁行暨鳥獸之咸若
臻時俗之阜康高岡之麓靈臺斯築禽巢可俯
鱗尺盡育澤加飛走仁及草木推好生以德音
任萬物之亭毒故其翔集來儀擁卿雲之郁郁

就日朝鳴清皇風之穆穆偕子來之庶民歸養
老之周粟昭示錄圖文采是敷啄餐竹實棲息
秋梧和關雎之風化配麟趾之貞符調六律與
六呂在一鳴而一呼增山龍華蟲之藻續股肱
賡歌之謨豈同重譯之白雉下比呈瑞之赤烏
而已哉聆其八音克諧笙簧觸手觀其五采章
施吟哢蜚走出自丹穴至於郊藪動植不啄生
萌不蹂魚尾龍文燕領雞首小音則金鏗大音
則鼓叩眇九臯之和鳴於音節其何取縱扶搖

言芬金卷二
之搏擊於騫舉乎何有迨夫國風雅變壽域其
墮飢乏琅玕憩靡瓊枝避矰弋而高逝羌枳棘
之是棲繆琴心之見操何德衰而見譏指野鳥
以為鸞夸神雀以為奇市山雞以千金羨二鳥
之光輝紛啁啾之燕雀轉巧舌之黃鸝交交鸚
鵡之好音振振白鷺之于飛逞羽族之萬類曾
何治忽之在茲也當今德邁姬文百祥悉臻騶
虞出於洛邑神龜現於石城嘉禾豐穰於四郊
醴泉渾沸於神京宜鳳鳴之斯至而紀官於皇

庭巢阿閣之五色應簫韶之九成吾固知夫符
識之為說亦以神道之教行豈若才賢之為瑞
而靈鳳在夫人也諄曰文采之華兮丹鳳之翎
音節之美兮和鸞之聲鳴當其時兮以莫不聞
斯君子治世若鳳兮昭諸擬論

石城賦 禮部試

天鞏皇圖虎援江右展河山之形勢恢帝業之
悠久岌巨鎮於東南雄節制於九有宏大武以
開基修人文而承守雖在德之為安亦因險而

言方錄卷二
斯阜觀夫石城之壯偉也大江自東山蟠其峯
蜿蜿蜒蜒轟轟崇崇合朝宗之東會設天塹以
混同淮海為之外應鍾阜峙而內雄秀色橫分
巉巖其尊凌波欲渡砥柱中蹲擊驚濤而咆哮
吞駭浪而奔騰渙風行之文彩震雷動之天聲
橫嶂聯延其峭壁疊巘穹隆其密門勢壓百二
之函關威撼萬里之邊城一呼覆三秦之旅一
炬燎千艘之兵彼偏邦挾霸之假借猶虎視中
原之眇輕矧王者之無外窮卉服而來廷梯航

仰夫萬國襁負來夫兆民皞皞于斯而就日郁
郁于焉而望雲拱王氣之在茲夫孰得而擬倫
彼武夫之是營茲文學以設教彼干矛之相尋
此弦歌以敦效昔役幼而驅貧今恤孤而育少
憶量沙以詭敵夜唱籌而發號覩萬斯之盈溢
歲紅腐而益饒彼徒知一卷為六氏之矜寧識
推恩其四海之保固以陋漆城與折錐尚何假
金湯為險要屹屹石城曠望千里茫茫禹功茲
焉盛矣遼萬雉之修垣囿鹿豕其麇麇闢四郊

角方錄卷二
二十八

以砥平成周原之膺膺何荆門之外防惟禾麻
之沃野無錐鎖之暗截但安流之行旅是知守
之在夫四夷豈高深之足固圉陟崇墉兮頽穹
石覽前蹤兮卑往迹固磐石兮奠皇極對風景
之長存思日慎兮一日重曰山河之固國之寶
兮成臯之險三傑是保兮所寶惟賢保民之道
兮

長江天塹賦 翰林試

惟淮海之東南設長江之天塹王氣肇於閩嬴

都邑作於吳甸吞若雲夢者九灌注天下之半
勃興六氏之搶攘陵轢八州之雄戰遼層城之
千雉環帶甲之百萬武取威以定霸文膺圖以
傳禪雖鼎立一隅之尊亦朝集遐邦之獻美哉
乎其山河鞏固夫其藩翰也觀其用武強兵遏
徐并荆眇絕驕子威懾戎秦軸轡連亘旌旆雲
屯風聲之洶湧波濤之沸騰赤壁以一炬而捷
公山以草木強兵虜騎飲流而莫渡胡塵望洋
而吞聲斂縫囊之兒戲與投鞭之蟻爭河南之

言文金卷二
斂戍劍閣之連營俟冰合其何有竟逡巡而無
成彼偏霸之節制亦地險其邱陵也國朝受命
寵興荆蠻是膺雷厲而風行山搖而海傾叱咤
而五湖浪擊指顧則魚龍震驚一僕姑而江漢
披靡一戎衣而四方底寧陳三策之斯得嗤五
餌之何能張王網於海浦掃穹廬於邊廷同文
軌而王會舞干羽而修文因龍蟠而奠服就虎
踞而作京陋前王之制度開萬世之太平今其
風恬浪靜商舶漁槳棹歌互答檣帆來往汭沂

洄而絡繹泛烟波之下上千艘運夫舳舻萬斯
溢其庾帑近賈川益遠市交廣莫不倚浪以傲
睨臨流而檣榜時清俗美以遨以嬉桂檝蘭舟
左圖右書蕩鏡淨之素練無烽燧之鼓鞞彼中
流之擊楫與橫槊之賦詩皆灰燼而烟滅形絕
而影希想鐵鎖之浪截彼狂童其何知驅龜鼉
之八駿終濟師其奚為視疇昔之鼎沸幸今際
夫雍熙覽形勝之恒在慨風景之屢移豈非得
士者善守恃險者喪謀金湯之固廊廟之籌長

言方錄卷二
城之禦才畧之求夫何大風霸心之存兮安而
不忘憂也

歷山八趣曰獅巘看雲曰筆峯對月曰盤池靜玩曰
斗室高吟曰筠塢迎薰曰澄溪釣雪曰琴臺清適
曰春墅餘閒檢討公歸田後築室山下時所題各
系以詩載義門文集

仁化公機永樂朝以郡邑交薦授湖廣漢川知縣轉
廣東仁化知縣蠻寇為亂朝廷遣兵收捕公以計
擒巨魁兵不擾而民安

清逸公柏早受業於朱伯清濂問考亭之學既而宋
文憲致政歸青蘿山復往從游學益進宋公愛公
質實稱為玉潔珠圓及宋公入蜀斂其所著文以
授曰付子斯文長山胡翰九靈戴良眉山蘇伯衡
數過從間見公文交口贊之志存濟物嘗求應驗
良方注藥以濟人采古今秘傳單方編集成書付
諸梓縉紳知其才行屢推薦公傷父貞義公死以
非命輒辭謝蜀獻王屢徵不赴問從兄長史公長
史公以疾對王嘆曰叔端可謂清逸之士因以清

言考金卷二
逸稱之著有文章正原十五卷續文章正宗四十
一卷皇明文纂七十四卷金華賢達傳十三卷并
進德齋稿行世

叔堅公柎善算專掌錢粟中年目疾視無所見而耳
聞臆記雖累年積事問之不爽差毫

叔林公木博涉經史喜雄辨工行草書或歌詩放飲
短章醉墨率皆可觀尤善鼓琴為家塾師教子弟
不怒而威子弟一聞謦音莫不整肅

叔任公棟重然諾見義勇為家以鄉隣租貫多不入
公分任六莊期復被侵田產禁約山林徵索逋負
家用以給憫人之急以身捍之間里多懷恩而疾
惡如仇遇強暴者直斥之以誣累死獄中

叔理公杓質美而才敏從從兄長史公於蜀府每入
見王雅重之命與兄連坐便殿語對終日百需日
賜月給王奏陞楷長史致仕還賜燕命同舟士大
夫歌詠以紀之道路觀者比漢之二疏張壁詩曰
坐處難兄共難弟歸時同被又同船葉生詩曰萬
里弟兄仍共被百年詩禮舊傳家又曰五更清夢

言苑錄卷二
吟春草三月繁
花看紫荆顧勉詩曰此日幸同歸
故里暮年尤喜遇明時尤為蜀中傳誦後長家數
年不嚴而家益齊

奕葉吟一編允宣公炳以先世詩篇甚夥恐歷久日
就湮沒編次成帖付諸梓公奉上撫下一家數百
口無閒言好結納賢士一待以誠工詩溫厚和平
得風人之遺著有履素齋稿

允著公炯性不羈好丹青初從吳興林子山學得著
色之妙後閱古畫得荆浩山水訣便面小隱尤精

絕作歌行亦雄贍

允資公燧方成童已善筆札宋文憲講學東明山房
每有著述輒命繕寫學問詞章見稱於時父節判
公督役卒於潁上公聞訃哀慟幾絕袒跣奔赴三
年不御酒肉蜀獻王聞其賢奏用之辭疾不就著
有安素集

覺軒公燭幼聰敏異羣兒比長博通經史尤長於詩
得宋文憲指授上規吳淵穎而叅以方巖南謝軍
諮吳子善諸家所作卓絕一時著有覺軒集

允充公燿潔清自好與人言一不合輒默然視之讀書有疑攷之弗明弗措吟詩喜鍊句字體尤工侍父長史公宦遊於蜀與諸儒酬唱有聲王召見留書閣校訂後告歸迎母王賜詩二章衣一襲書籍一笥世子郡王皆賜以詩按麟溪集詩皆失載母夫人病躬事湯藥衣不解帶者越四月居喪毀瘠藉杖以行服未除而卒

怡雲公勲幼穎悟日記數百言考叔高公長於詩賦得潛溪家法公承家學才豪邁送仲父長史公入

蜀詩達於獻王王以為無愧盛唐洪熙初叔父檢討公攜之入覲臺閣諸公爭相延皆不赴平生著作隨作隨散怡雲軒集晚年所錄

允誠公燾器宇磊落美鬚髯周恤貧困為鄉里排難解紛人皆德之上書代父御史公罪得釋後朝臣屢欲薦舉辭不就

允行公燿善吟詠得風人遺意著有葵軒集季上公炎早孤能自力學侍尊長察言觀色不輕發語任之事不敢告勞學篆書日書數十紙詩思尤

言步金卷二
敏省叔父御史公於京師縉紳交譽之

蓉峯公樵美姿髯尚氣節與人談論曲盡事理嘗侍
父御史公於京師縉紳欲薦之以親老辭

寺丞公性純篤而裕於才伯父御史公引年致政
文皇令舉子弟以代遂舉公詔授監察御史仁宗
即位求耆碩輔導東宮擢詹事府丞轉大理寺
寺丞丁母憂毀瘠致疾服闋扶疾上道至吳會疾
甚遣子陳恂許致仕公歷仕四朝積二十餘年忠
謹見稱於時

允育公庶少習舉業經師嘉其勤與諸弟築溪東別
館專精問學未幾卒

允揚公炳博習羣書工水墨畫喜寫蘭竹題識皆妙
人爭購之性坦率與物無忤中年失偶盡以其田
宅讓兄弟攜二子客於龍川朱希成家教其創立
祠堂敦行古禮後朱為仇家誣陷賓客親友莫有
顧者公獨扶持衛護不忍舍去歿於武林寓館

允紳公桂敦義好施嘗出行路逢凍者脫短襦衣之
允廣公恢性孝友兄卒恐母憂戚入則強歡笑出哭

言方錄卷二
莫極哀時年十二尊長憐之侍父檢討公至京從
國子助教朱子建習舉業所得日進學算不半月
能以已意定法商除疾篤父省視惟以母氏為念
年僅十五藝林多輓以詞

叔幹公楨尚氣節慕古奇偉之行祖父意有欲為先
意承順聞郡庠生員以大家子充欲扶病往諸兄
念其孱弱止之

叔器公椅性勤敏凡營建室宇孳畜樹藝督視耕稼
收放泉帛衆分掌不暇公綜理裕如

叔範公模事諸兄如事父坐食進退必稟命焉

叔敏公栩通九章術家有田在金華造黃冊者虛糧
數公搜括其隱白於官減之

同居時用財有式日用極省約以所餘濟人當艱食
時中戶有平糶之粟其次有借貸之粟又其次有
賙給之粟平糶不增價借貸不取息賙給并本不
取里困重役則有義助之錢隣里餽遺私毫戒勿
納詳應奎翁義門志

吾宗栽培後進年十六以上肄業東明書院童蒙設

言方錄卷二
二義學孝廉公璧始捐興賢產公之姪若梁若楹
兩公又拓之歸入祠中凡童子試鄉闈禮闈試給
路費有差補弟子員則給藍衫銀領鄉薦成進士
則各給旗匾銀

孝廉公以腴田百畝助入邑中為通學鄉試納卷費
士林頌之

誦芬錄卷二

